

法苑珠林卷第三十六 隸六

稟大制反龕苦含齋反諸預諾預反狗之藥劍隻通懲茂
懶瞿音魏搜土反胡塞甲反繫照反勦反擎音
掩反摹莫音奴莫反鬯五量反翕反翁胡甲反量翁胡甲反掌局功德王惟親

當院比丘清滿書

都歡緣大檀越成忠郎趙安國

法苑珠林卷第三十七

隸七

大唐上都西明寺沙門釋道出撰

敬塔篇第三十五 此有六部

述意部 引證部 興造部
感福部 旋遶部 情故部

述意部第一

如觀佛三昧經云佛留影石室在那乾呵羅國毒龍池側佛坐龍石室窟中爲龍作十八變踊身入石猶如明鏡在於石內映現於外遠望則見近望不現諸天百千供養佛佛影亦說法遠令不滅又集經云忉利天城東照明園中有佛法髮塔城南鹿澗園中有佛衣塔城西歡喜園中有佛鉢塔城北駕御園中有佛牙塔又智度論云天帝釋取菩薩髮及衣於天上城東門外立佛髮塔衣塔又育王傳云王得信心問道人曰我從來殺害不必以理今修何善得免斯殃答曰唯有起塔供養衆僧救諸徒囚賑濟貧乏故辭喻經云王宮內常以四事供養二万沙門心被禮不可具述王曰何處可起塔道人即以神力左手掩日光作八万四千道散照闇浮提塔散塔之奇而光曜重暉福資含識致使英聲遐美邪徒結信肇啓育王之始終傳大唐之初自歷代繁興神化非一故經曰正法住

正法滅意存茲乎

引證部第二

建舍利將四部兵衆至王舍城取阿闍世王佛塔中舍利還復修治此塔與先無異如是

更取七佛塔中舍利至衆摩村中時諸龍王
將王入龍宮中王從龍索舍利供養龍即分
與之時王作八万四千金銀琉璃頗梨篋盛
佛舍利又作八万四千寶瓶以盛此篋又作
無量百千幡幢繖蓋使諸鬼神各持舍利供
養之具勑諸鬼神言於闍浮提至於海際城
邑聚落滿一億家者爲世尊立塔時有國名
奢義尸羅有三十六億家彼國人語鬼神言
可三十六篋舍利與我等起立佛塔王作方
便國中人少者令分與彼令滿家數而立爲
塔時巴連弗邑有上座名曰耶舍王詣彼所
白上座曰我欲一日之中立八万四千佛塔
釋 朱林三七

遍此闍浮提意願如是時彼上座白言善哉
大王尅後十五日日正食時令此闍浮提一
時起諸佛塔如是依數乃至一日之中立八
万四千塔世間人民興慶無量共号曰阿育
王塔又大阿育王經云八國共分舍利阿闍
世王分數得八万四千又別得佛口毘還國
道中逢難頭禾龍王從其求舍利分阿闍世
王不與便語言我是龍王力能壞汝國土阿
闍世王怖畏即以佛毘與之龍還於須弥山
下高八万四千里於下起水精塔阿闍世王
得還國以紫金函盛舍利作千歲燈火於五
恒河沙水中塔歲埋之後阿育王得其國土主
娶夫人身長八尺髮亦同等衆相具足王令
相師觀之師言當爲王生金色之子王即拜
爲第二夫人後還有娠足滿十月王有緣事
宜出外行王大皇后妬嫉便作方便共欲除
之慕覓猪母即應產者語第二夫人言卿是
少甫尅始產不可露面視天以被覆面即生
金色之子光照宮中盜持兒去殺之即以猪
子著其身邊便罵言汝云當爲王生金色之
菜王還聞之不悅久之後王出行園中今服
憶念迎取歸宮第二夫人漸得親近具說情
狀王聞驚怪即殺八万四千夫人阿育王後

於城外造立地獄治諸罪人佛知王殺諸夫人應墮地獄即遣消散比丘化王王發信悟問比丘言殺八万四千夫人罪可得贖不道人言各爲人起一塔塔下著一舍利當得脫罪耳王即尋覓阿闍世王舍利有國相父年百二十將五百人取本舍利王得大喜即分與鬼神各還所部令一日一時同戴八万四千刹諸鬼神言多隔山鄣不得相知王言汝曹但還治槃護刹安令我當使阿脩輪以手摸日四天下亦同時震又阿育王經云塔成造千二百織成幡及雜華未得懸幡王身崩沒塔成已六日王請僧至園供養時有優波崛多羅漢將一万八千阿羅漢受王請尊者鹿澁尊者即說偈言

我行布施時淨心好財物不如王行施

王告大目我以沙施佛報獲如是云何而不

修敬於世尊王後尋佛弟子迦葉阿難等所有佛在世時弟子塔廟躬到塔所具展哀情責心修敬各興種種供養更立大塔各捨十萬兩珍寶供養是塔次至薄拘羅塔應當供養王問彼有何功德崛多算者答曰彼無病第一乃至不爲人說一句法寂默無言王曰

以一錢供養諸目白王言功德既等何故於此供養一錢王告之曰聽吾所說偈雖除無明癡智慧能鑒察雖有薄拘羅修敬於世何所益

時彼一錢還來至王所時大臣輩見是希有事異口同音讚彼嗚呼尊者少欲知足乃至不須一錢王及供養菩提樹不絕夫人名曰恆舍羅繩多作念王極愛念於我念王今捨我珍寶至菩提樹間我方便殺樹令死王不得往可得與我相娛夫人即遣人以熱乳澆之樹枯葉落王聞是語迷悶躰地夫人見王憂愁不樂常悅王心白王曰若無彼樹我命

錄

朱三七

四

亦無如來於彼樹得道彼樹既無何用活耶復以冷乳灌之彼樹更生王聞歡喜詣於樹下目不暫捨以千甕香湯漑灌菩提樹倍復嚴好增長茂盛後王潔淨身心手執香鑪在於殿上向西方作禮心念口言如來賢聖弟子在諸方者憐愍我故受我供養如是語時有三十萬比丘悉來集彼大衆中十萬是阿羅漢二十萬是學人及凡夫宮人太子群臣共王所作功德無量不可述盡又難阿含經云阿育王問比丘言誰於佛法中能行大施諸比丘言給孤獨長者最行大施王問彼施幾許比丘答曰以捨億千金王聞已彼長者尚能捨億千金我今爲王何緣復以億千金施當以億百千金施乃至用私歲盡將此闍浮提夫人婦女太子大臣惣施與聖僧後用四十億金還復贖取如是計校惣用九十六億千金乃至王得重病自知命盡常願以億百千金作功德今願不滿便就後世唯減四

億未滿王即辦諸珍寶送與難頭摩寺乃至以半阿摩勒果送與僧禮拜僧足問訊大聖衆等我領此闍浮提是我所有今者頓盡不得自在唯此半累哀愍納受令我得福上座耶舍令研磨著石榴羹中行之一切皆得周遍王復問傍臣曰誰是闍浮提王諸臣啓王

談朱三七五公

言大王是也時王從卧起而坐顧望四方合掌作禮念諸佛功德心念口言我今復以此闍浮提施與三寶時王書紙上而封緘之以齒印印之作如是事畢即便無常余時太子及諸人民興種種供養至送如王之法而闍維之又法益經云余時諸大臣言今は大地屬於三寶云何而立太子爲王諸臣語已共議出四億金送與寺中將贖其地又善見論云阿育王以金錢九十六億起八萬四千寶塔復大種種布施興造部第三述曰上來所引經論興置所由其已知乎然未識塔義是何復有幾種所爲之人復通凡

不答曰梵漢不同翻譯前後致有多名文有訛正所云塔者或云塔婆此云方墳或云支提翻爲滅惡生善處或云斗藪波此云護讚若人讚數擁護歎者西梵正音名爲窣堵波此云廟廟者貌也即是靈廟也安塔有其三意一表人勝二令他信三爲報恩若是凡夫

比丘有德望者亦得起塔餘者不合若立支提有其四種一生處二得道處三轉法輪處四涅槃處諸佛生處及得道處此二定有支提生必在阿輸柯樹下此云無憂樹此是夫人生太子之處即号此樹爲生處支提如來得道在於菩提樹下即呼此樹下爲得道支提如來轉法輪及涅槃處此二無定初轉法輪爲五比丘在於鹿苑縱廣各二十五尋一尋八尺古人身大故一尋八尺合二十丈今天竺人處處多立轉法輪取一好處而依此量堅三柱安三輪表佛昔三日轉法輪相即名此處爲轉法輪支提如來入涅槃處安置

舍利即名此處爲涅槃支提現今立寺名涅槃寺此則爲定若據舍利處處起塔則爲不定此四亦名窣堵波 又毗婆沙論云若人起大塔如來生處轉法輪處若人取小石爲塔其福等前大塔所爲尊故若爲如來大梵起大塔或起小塔以所爲同故其福無量又

釋
卷三十七

六

公

阿含經云有四種人應起塔一如來二辟支佛三聲聞四輪王 又十二因緣經云有八人得起塔一如來二菩薩三緣覺四羅漢五阿那舍六斯陀含七須陀洹八輪王若輪王已下起塔安一露槃見之不得禮以非聖塔故初果二露槃乃至如來安八露槃八槃已上並是佛塔 又僧祇律云初起僧伽藍時先規度好地將作塔處不得在南不得在西應在東應在北不侵佛地僧地應在西南作僧房佛塔高顯處作不得塔院內浣染曬衣唾地得爲佛塔四面作龕作師子鳥獸種種綵畫內懸幡蓋得爲佛塔四面造種園林華果

是中出華應供養塔若樹檀越自種檀越言
是中華供養佛果與僧食佛言應從檀越語
若華多者得與華鬢家語言爾許華作鬢與
我餘者與我尔許直若得直得用然燈買香
以供養佛兼得治塔若直多者得置佛無盡
物中若人言佛無貪怒癡但自莊嚴用是華
果而受樂者得罪報重 佛言亦得作支提
有舍利者名塔無舍利者名支提如佛生處
得道處轉法輪處佛涅槃處菩薩像辟支佛
像佛腳跡處此諸支提得安佛華蓋供養若
供養中上者供養佛塔下者供養支提若卒
風雨來應收供養具隨近安之不得言我是
七
上座我是阿練若乞食大德等得越毗尼罪
若塔僧物賊來急時不得歲舉佛物應莊嚴
佛像僧座具應敷安置種種飲食令賊見相
若起慈心賊問比丘莫畏出來年少應看若
賊卒至不得藏物者應言一切行無常作是
語已捨去是名難法 感福部第四

如小未曾有經云佛告阿難若有一人盡四
天下滿中草木皆悉爲人得四道果及辟支
佛盡壽四事供養所須具足至滅度後一一
起塔香華幢幡寶蓋供養復造帝釋大莊嚴
殿用八萬四千寶柱八万四千寶窓八万四
千天井寶窓八万四千樓櫓館閣四出圍達
衆寶校飾若有善男子善女人作如上百千
億大莊嚴殿用施四方僧其福雖多然不如
有人於佛般涅槃後以如芥子舍利起塔大
如庵摩勒果其刹如針上施槃蓋如酸棗葉
若佛形像如麺麥大勝前功德滿足百倍不
及一千倍万倍百千万倍所不能及不可稱
量阿難當知如來無量功德戒分定分智慧
分解脫分知見解脫分無量功德有大神通
變化及六波羅蜜如是等無量功德 又無
上依經云阿難向佛合掌而作是言我於今
日入王舍乞食見一大重閣莊嚴新城内外
宛密若有清信人布施四方僧并具四事若

如來滅後取佛舍利如芥子大安立塔中起塔如阿摩羅子大戴刹如針大露槃如糞葉大造佛如麥子大此二功德何者爲勝佛告阿難如滿四天下四果聖人及辟支佛如甘蔗林竹荻麻田等若有一人盡壽供養四事具足及入涅槃後悉起大塔供養然燈燒香衣服幢幡等阿難於意云何是人功德多不阿難言甚多世尊阿難且置又如帝釋天宮住處有大飛閣名常勝殿種種寶裝各八万四千若有清信男女造作如是是常勝寶殿百千拘胝施與四方衆僧若復有人如來般涅槃後取舍利如芥子大造塔如阿摩羅

釋
卷三十七

子大戴刹如針大露盤如糞葉大造佛形像如麥子大此功德勝前所說百分不及一千萬億分乃至阿僧祇數分所不及一及辟喻所不及何以故如來無量功德故縱碎娑婆世界未為微塵以此次第悉是四沙門果及辟支佛若有清信男女盡形供養及以滅後

起塔供養亦不如取舍利如芥子大乃至造像如麥子大此功德前所說百分千万億分不及一分乃至算數譬喻所不能及如是阿難一切如來昔在因地知衆生界自性清淨客塵煩惱之所汙濁然不入衆生清淨界中能為一切衆生說深妙法除煩惱障不應生下劣心以大量故於諸衆生生尊重心起大師敬起般若起闍那起大悲依此五法菩薩得入阿鞞跋致位此云不退依如證大方便得阿耨菩提 又涅槃經云若於佛法僧供養一香燈乃至獻一華則生不動國善守佛僧物塗掃佛僧地造像塔如母指常生歡喜心亦生不動國此即淨土常嚴不為三灾所動也又僧祇律云佛於拘薩羅國遊行時婆羅門耕地見世尊過持牛杖柱地禮佛世尊見已便發微笑諸比丘白佛何因緣故笑唯願欲聞 佛告諸比丘是婆羅門今禮二佛諸比丘白言何等二佛佛告比丘禮我杖下有迦

釋
卷三十七

九

公

葉佛塔諸比丘白佛願見迦葉佛塔佛告諸比丘汝從此婆羅門索土塊并是地即便索之時婆羅門便與之得已 尔時世尊即現出迦葉佛七寶塔高一由延其面廣半由延婆羅門見已便白佛言我姓迦葉是我迦葉土埠 尔時世尊即於彼處作迦葉佛塔諸比丘白佛我得授涅不佛言得授即說偈言真金百千萬 持用行布施 不如一團泥敬心治佛塔 尔時世尊敬過去佛故便自作禮諸比丘亦禮佛說偈言 人等百千金持用行布施 不如一善心 恭敬禮佛塔 尔時比丘即持香華來奉世尊敬過去佛故時天雨山水瀑湧五百猕猴一時沒死生忉利天七寶宮殿巍巍無量衣食自然快樂無極既得生天各自念言我等何緣得來生此即以天眼觀見前身作其猕猴由學衆僧戲笑作塔山水所漂命終生此即共相將賣持香華從天下來供養死屍迴詣佛所禮拜問訊佛爲說法五百天子一時皆得須陀洹果既得果已還歸天上猕猴學僧戲笑作塔尚獲福報巍巍乃尔豈況於人信心造塔寧無果報 又辭喻經云昔佛涅槃後阿育王國有迦羅越其人福德世間希有意有所須應念即至其家舍宅七寶所成閣內婦女端正

不如一法施 隨順令修行

爾時座中有得道者佛說偈言

肆

卷廿七

十

公

少雙晝夜娛樂快樂無極其人信心恒常供養二萬餘僧阿育王聞便召見之而語之言聞卿大富家有何物即答王言家無所有王不信之便遣人看使至唯見門閣七重舍堂宇七寶莊嚴巍巍無量使入室中不見餘物唯見婦女端正少雙使見即還具以白王

王意漸解時迦羅越知王解已便於王前以手東指即時空中七寶雨下不可限量指餘三方亦復如是王見乃知是大福德王即詣寺請問此事寺有上座得阿羅漢三明六通王問上座此迦羅越宿植何福所須自然應念即至上座答王乃往過去九十一劫毗婆尸佛入涅槃後迦羅越余時與其四人同共造塔用心徧般造塔成已復以七寶及取好華上塔頭上四面散下而以供養發誓願言使我世世食福自然恒不斷絕緣是功德從是以來九十一劫不墮惡道天上人中食福自然快樂無極小時但願食福無盡不願度脫故至今日唯受勝福未得道

述又大悲經云佛告阿難若人樂著三有果報於佛福田若行布施餘諸善根願我世世莫入涅槃以此善根不入涅槃無有是處是人雖不樂求涅槃然於佛所種諸善根我說是人必入涅槃也又百緣經云昔佛在世時舍衛城中有一長者其家巨富財寶無量不可稱計生

卷十一
米林公

一男兒端正殊妙世所希有其兒兩手各把金錢取已還生無有窮盡父母歡喜因為立字名曰寶手年漸長大慈悲孝順好喜布施有人來乞申其兩手出好金錢尋以施之後與諸人出城遊觀前到祇洹見佛相好心懷歡喜頂禮請佛及比丘僧願受我供阿難語言設供須財於是寶手即申兩手金錢雨落須臾滿地積聚過人佛勑阿難令為營供飯食訖已佛為說法得須陀洹歸辭父母求乞出家既出家已得阿羅漢果阿難見已而白佛言寶手比丘宿殖何福生於豪族手出金錢取無窮盡又值世尊出家得道佛告阿難

昔迦葉佛入涅槃後有迦翅王收其舍利造四寶塔時有長者見豎塔心生隨喜持一金錢安著塔下發願而去緣是功德不墮惡道天上人中常有金錢受福快樂乃至今者遭值於我出家得道 又百緣經云佛在世時迦毗羅衛城中有一長者財寶無量其婦懷妊生一男兒容貌端正世所希有然其生時頂上自然有摩尼寶蓋徧覆城上父母歡喜因爲立字名曰寶蓋漸長值佛出家得羅漢果佛告比丘乃往過去九十一劫有佛出世號毗婆尸遷神入涅槃後有國王名槃頭末帝收取舍利造四寶塔高一由旬而供養之時彼之時有賚主入海採寶安隱得來即以摩尼寶珠蓋其塔頭發願而去緣是功德九十一劫不墮惡趣天上人中常有寶蓋隨共而生乃至今者得值於我出家獲道聞佛所說歡喜奉行 又百緣經云佛在世時迦毗羅衛城中有一長者財寶無量不可稱計其婦生

一男兒端正殊妙世所希有頭上自然有摩尼珠時父母因爲立字名曰寶珠年漸長大見佛出家成阿羅漢果入城乞食時寶珠故在頭上城中人民恠其所以竟來看之深自慚耻還歸所止白言世尊我此頭上有此寶珠不能使去今者乞食爲人嗤笑願佛世尊見却此珠 佛告比丘汝但語珠我今生分已盡更不須汝如是三說珠自當去比丘受教寶珠不現時諸比丘請佛爲說宿業因緣佛告比丘乃往過去九十一劫有佛出世號毗婆尸入涅槃後時彼國王名槃頭末帝收取舍利造四寶塔高一由旬而供養之時彼國王入塔禮拜持一摩尼寶珠繫著裳頭發願而去緣是功德九十一劫不墮三塗天上人中常有寶珠在其頂上受天快樂至今值佛出家得阿羅漢果比丘聞已歡喜奉行 旋達部第五 如菩薩本行經云昔佛在世時佛與阿難入舍衛城而行乞食時彼城中

錄卷十七十二

有一婆羅門從外而來見佛出城光相巍巍時婆羅門歡喜踊躍遠佛一帀作禮而去佛便微笑告阿難言此婆羅門見佛歡喜以清淨心遠佛一帀以此功德從是以後二十五劫不墮惡道天上人中快樂無極竟二十五劫得辟支佛名持觀那祇梨以是因緣若人

旋佛及旋佛塔所生之處得福無量也

又提謂經云長者提謂白佛言散華燒香然燈禮拜是爲供養旋塔得何等福佛言旋塔有五福德一後世得端正好色二得聲音好三得生天上四得生王侯家五得涅槃道何因緣得端正好色由見佛像歡喜故何緣得

十三

公

聲音好由旋塔說經故何緣得生天上由當旋塔時意不犯戒故何緣得生王侯家由頭面禮佛足故何緣得涅槃道有餘福故佛言旋塔有三法一足舉時當念足舉二足下時當念足下三不得左右顧視唾寺中地右遶者經律之中制令右遶若左遶行爲神所

呵乃至左遶麥蘋爲俗所責其徒衆矣今時行事者順於天時面西北轉右肩袒膊向佛而恭也或旋百帀十帀七帀三帀各有所表且論常行三帀者表供養三尊止三毒淨三業滅三惡道得值三寶故華嚴經偈云始欲旋塔當生衆生施行福祐九暢道意

達塔三帀當生衆生得一向意不續四毒又賢者五戒經云旋塔三帀者表敬三尊一佛二法三僧亦念滅三毒一貪二瞋三癡又三千威儀云達塔有五事一係頭視地二不得路垂三不得左右顧視四不得噉塔前地上五不得中住與人語

法苑珠林卷第三十七

隸七

釋音

賑之急贊石一反

延聖院些惟快書